

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

**PRAVILNIK O SADRŽAJU I NAČINU VOĐENJA REGISTRA/EVIDENCIJE
SPORTSKIH KLUBOVA /DRUŠTAVA NA PODRUČJU OPĆINE NOVI GRAD
SARAJEVO**

Sarajevo, maj 2026 godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH” broj 49/06 51/09), člana 48. stav (3) tačka e) Zakona o sportu („Službene novine Kantona Sarajevo” broj 45/12 – prečišćeni tekst i 36/21), člana 2. Odluke o načinu provođenja javnog interesa Općine Novi Grad Sarajevo u oblasti sporta („Službene novine Kantona Sarajevo” broj:15/26), člana 72. Statuta Općine Novi Grad Sarajevo („Službene novine Kantona Sarajevo“ broj:01/24)“,Strategije razvoja Općine Novi Grad Sarajevo 2021-2027 («Službene novine Kantona Sarajevo» broj: 26/22), člana 9. i 14. Odluke o organizaciji Jedinstvenog općinskog organa uprave Općine Novi Grad Sarajevo („Službene novine Kantona Sarajevo” broj 6/17), na prijedlog Službe za obrazovanje, kulturu i sport broj: 02/06-36-13022/26 od 20.05.2026.g., Općinski načelnik donosi:

PRAVILNIK
O SADRŽAJU I NAČINU VOĐENJA REGISTRA/EVIDENCIJE SPORTSKIH
KLUBOVA /DRUŠTAVA NA PODRUČJU OPĆINE NOVI GRAD SARAJEVO

OPĆE ODREDBE

Član 1.
(Predmet Pravilnika)

Ovim Pravilnikom uređuje se oblik i sadržaj registra/evidencije sportskih klubova/društava sa sjedištem na području Općine Novi Grad Sarajevo (u daljem tekstu: Pravilnik).

Član 2.
(Svrha registra/evidencije)

- (1) Registar/evidencija se vodi u obliku administrativne elektronske baze podataka a u svrhu;
- a) provođenja javnog interesa Općine Novi Grad Sarajevo u oblasti sporta (u daljem tekstu: Općina),
 - b) evidencije sportskih klubova/društva koji djeluju na području Općine,
 - c) praćenje razvoja sporta,
 - d) evidencije ostvarenih rezultata završnih takmičenja prema kalendaru takmičenja,
 - e) planiranje i razvoj sporta na području Općine,
 - f) dodjele finansijskih sredstva i drugih vidova podrške,
 - g) izrade izvještaja, analiza i strateških dokumenta.

Član 3.
(Nadležna Služba)

Registar/evidenciju vodi Službe za obrazovanje, kulturu i sport (u daljem tekstu: Služba).

SADRŽAJ EVIDENCIJE/ REGISTRA

Član 4. (Sadržaj Registra/evidencije)

- (1) Registar/evidencija sadrži podatke o sportskim klubovima/društvima sa sjedištem na području Općine Novi Grad Sarajevo, kako sljede :
- a) redni broj i datum upisa,
- b) puni / skraćeni naziv sportskog kluba/društva,
- c) sjedište sportskog kluba/ društva (adresa, telefon, e-pošta,),
- d) pravni oblik organizacije (sportski klub, društvo / udruženje...),
- e) ciljevi osnivanja;
- f) rješenja o upisu u Registar udruženja izdat od nadležnog organa,
- g) osoba ovlaštena za zastupanje sportskog kluba/društva (ime i prezime, funkcija i kontakt telefon),
- h) članstvo u sportskom savezu ili drugim sportskim asocijacijama;
- i) ID broj i ugovor o transakcijskom računu;
- j) broj članova,
- k) broj takmičara i stručnog kadra/potvrda matičnog saveza,
- l) način finansiranja;
- m) grana sporta;
- n) rodna i starosna zastupljenost;
- o) kategorija olimpijskih sportova.

POSTUPAK UPISA

Član 5. (Upis)

- (1) Sportski klubovi/društava podnose zahtjev za upis na obrascu broj 1., uz obrazac zahtjeva za upis sportski klub/društvo dostavlja sljedeću dokumentaciju:
 - a) statut,
 - b) rješenje nadležnog registarskog organa,
 - c) uvjerenje o poreskoj registraciji ,
 - d) ID broj i ugovor o transakcijskom računu,
 - e) potvrda Sportskog saveza o broju registrovanih takmičara,
 - f) potvrda o stručnom kadru,
 - g) potvrda kluba/društva o broju članova,
 - h) potvrda Sportskog saveza o upisu u matičnu evidenciju ,
 - i) potvrda da li spada u kategoriju olimpijskih sportova ,
 - j) bilans stanja i bilans uspjeha za proteklu godinu,
 - k) izvještaj o namjenskom utrošku finansijskih sredstava dodjeljenih iz Budžeta općine(sluzbena provjera),
 - l) program rada sa finansijskim planom za tekuću godinu,
 - m) evidencija o mjestu provođenja trenažnog procesa/aktivnosti,
 - n) potvrda o rodnoj i starosnoj zastupljenosti.
- (2) Sportski klub / društvo je dužno svaku promjenu prijaviti Službi na obrascu broj 2. Zahtjev za upis promjena, sa popratnom dokumentacijom:
 - a) odluku nadležnog organa sportskog kluba /društva o nastalim promjenama,
 - b) rješenje o upisu promjena izdat od nadležnog organa.

- (3) Ukoliko zahtjev za upis u registar ili zahtjev za upis promjena u registar ne sadrži potrebnu dokumentaciju, Služba će dostaviti obavijest o dopuni predmetnog zahtjeva u roku od 8 dana, ukoliko podnosilac zahtjeva ne postupi po predmetnom aktu, smatrat će se da je odustao od zahtjeva.
- (4) Na pismeni zahtjev ovlaštenog lica za zastupanje organizacije u sportu, izdaje se potvrda o upisu i sadrži obavezne opće podatke.

Član 6.
(Finansiranje programskih aktivnosti)

Za finansiranje/sufinansiranje programskih aktivnosti sportskih klubova/društava, Općinski načelnik raspisuje Javni poziv u skladu sa raspoloživim sredstvima za ovu namjenu u Budžetu Općine a u skladu sa kriterijima propisanim Pravilnikom o finansiranju i sufinansiranju aktivnosti sportskih klubova /društava.

Član 7.

Pravilnik stupa na snagu danom donošenja a naknadno će se objaviti na Oglasnoj ploči i web stranici Općine.

Član 8.

Stupanjem na snagu ovog Pravilnika, prestaje primjena Pravilnik o uspostavi registra sportskih klubova/društava sa sjedištem na području Općine Novi Grad Sarajevo broj:02/02-40-988/17 od 04.05.2017.g.

Broj:02/06-36-13023/26
Sarjevo 20.05.2026.g.

DOSTAVITI:

1. Služba kabineta Općinskog načelnika
2. Službe za obrazovanje, kulturu i sport
3. Služba za finansije
4. Spis

Općinski načelnik

